

gustav / September 13, 2013 10:39PM

[佛以一音演說法，眾生隨類各得解 ... 《維摩詰所說經》](#)

◎ 佛以一音演說法，眾生隨類各得解。

~ 《維摩詰所說經》（一名不可思議解脫上卷），姚秦三藏鳩摩羅什譯（[CBETA全文](#)）

--

T14n0475_p0537c05(01) || (刪)。爾時一切大眾。睹佛神力，
 T14n0475_p0537c06(01) 歎未曾有！合掌禮佛，瞻仰尊顏，目不暫捨。
 T14n0475_p0537c07(01) 於是長者子寶積即於佛前，以偈頌曰：
 T14n0475_p0537c08(00) 「目淨脩廣如青蓮，心淨已度諸禪定，
 T14n0475_p0537c09(00) 久積淨業稱無量，導眾以寂故稽首。
 T14n0475_p0537c10(00) 既見大聖以神變，普現十方無量土，
 T14n0475_p0537c11(00) 其中諸佛演說法，於是一切悉見聞。
 T14n0475_p0537c12(00) 法王法力超群生，常以法財施一切，
 T14n0475_p0537c13(00) 能善分別諸法相，於第一義而不動，
 T14n0475_p0537c14(00) 已於諸法得自在，是故稽首此法王。
 T14n0475_p0537c15(00) 說法不有亦不無，以因緣故諸法生，
 T14n0475_p0537c16(00) 無我無造無受者，善惡之業亦不亡。
 T14n0475_p0537c17(00) 始在佛樹力降魔，得甘露滅覺道成，
 T14n0475_p0537c18(00) 已無心意無受行，而悉摧伏諸外道。
 T14n0475_p0537c19(00) 三轉法輪於大千，其輪本來常清淨，
 T14n0475_p0537c20(00) 天人得道此為證，三寶於是現世間。
 T14n0475_p0537c21(00) 以斯妙法濟群生，一受不退常寂然，
 T14n0475_p0537c22(00) 度老病死大醫王，當禮法海德無邊。
 T14n0475_p0537c23(00) 毀譽不動如須彌，於善不善等以慈，
 T14n0475_p0537c24(00) 心行平等如虛空，孰聞人寶不敬承。
 T14n0475_p0537c25(00) 今奉世尊此微蓋，於中現我三千界，
 T14n0475_p0537c26(00) 諸天龍神所居宮，乾闥婆等及夜叉，
 T14n0475_p0537c27(00) 悉見世間諸所有，十力哀現是化變，
 T14n0475_p0537c28(00) 眾睹希有皆歎佛，今我稽首三界尊。
 T14n0475_p0537c29(00) 大聖法王眾所歸，淨心觀佛靡不欣，
 T14n0475_p0538a01(00) 各見世尊在其前，斯則神力不共法。
 T14n0475_p0538a02(00) 佛以一音演說法，眾生隨類各得解，
 T14n0475_p0538a03(00) 皆謂世尊同其語，斯則神力不共法。
 T14n0475_p0538a04(00) 佛以一音演說法，眾生各各隨所解，
 T14n0475_p0538a05(00) 普得受行獲其利，斯則神力不共法。
 T14n0475_p0538a06(00) 佛以一音演說法，或有恐畏或歡喜，
 T14n0475_p0538a07(00) 或生厭離或斷疑，斯則神力不共法。
 T14n0475_p0538a08(00) 稽首十力大精進，稽首已得無所畏，
 T14n0475_p0538a09(00) 稽首住於不共法，稽首一切大導師，
 T14n0475_p0538a10(00) 稽首能斷眾結縛，稽首已到於彼岸，
 T14n0475_p0538a11(00) 稽首能度諸世間，稽首永離生死道。
 T14n0475_p0538a12(00) 悉知眾生來去相，善於諸法得解脫，
 T14n0475_p0538a13(00) 不著世間如蓮華，常善入於空寂行，
 T14n0475_p0538a14(00) 達諸法相無罣礙，稽首如空無所依。」